



**Siunnersuut uunga: Atornerluineq pillugu Inatsisartut Inatsisaat nr. xx xx. 2017-imeersoq**  
(Peqqissutsimut Naalakkersuisoq)

Demokraatininngaanniik ujartortuarsimasatta ilangaat ilumut paasissallugu katsorsaariaaseq eqqortoq inumut nunatsinni ingerlanneqarnersoq.

Aningaasat katsorsaannermut atorneqartut qanoq inuaqatigiit katsorsarneqartullu pissarsiaqaatigaat? Qassit katsorsarneqareernerminni nakkaqqittarpat? Ilumut kalaallinut inuaqatigiinnut katsorsaariaaseq eqqortoq atorneqarpa?

Taamaattumik nuannaarutingilluinnarparput Naalakkersuisut inatsisissatut siunnersuummik imak isikkoqartumik suliaqarsimanerannut.

Aammali tikkuartariaqavissortoq isingingittuussaarneqarsinnaanngittorlu tassaavoq misissuinerni paasisaq tassaasoq inersimasut nunatsinni inuusut affaat atornerluisuusut immaqaluunniit atornerluisuunissamut qanittuusut.

Isumaqarpugullu politikikkut tamanna sulii ersarinnerusumik suliarisariaqaripput. Sunaana anguniarlugu nunap siuttui sulisut? Inuk peqqissoq nunami maani innuttaaqataalluni peqqilluni nuannaarlunilu pingaarnerua anguniassallugu? Immaqaluunniit nunatta namminersulivinnissaa nukinnik annertooujussuarnik atuiffinginiarparput? Demokraatiniik siulleq anguniangaq orninginerpaavarput. Isumaqaratta inuk qitiulluinnartoq nukittulluni peqqillunilu nunamut qimoqataanngikkuni, peqqinnartumik namminersulivinneq anguneqarsinnaanngittoq. Kukkuneruvorlu oqarutta namminersulerutta inuit atornerluinermut qanittut ajornartorsiutaarukkumaartut, piviusormi taamaanngilluinnarmat.

Nuannaarutingisatta ilangivaat siusinaartumik atornerluisuuneq iliuuseqarfingineqarnissaa, sivittorpallaannginnerani atornerluineq. Taamaattumik assut kissaatinginaraluarpoq ilinniarfinni aamma suliniutit ersarissut taperserneqartarnissaat. Soorlu assersuutingalugu ullumikkut pasinninnermi tungavissaqanngittumi anisitsisarnerit ilinniartunik iliuuseqarfingineqassasut. Tassami takusareerparput iliuuseqarniarnerni akerliusarnerit, allanillu pitsaannerusumik siunnersuutissaqartoqarani. Ilinniartuunermi atornerluisuuneq atorneqalersoq siusinaartumik iliuuseqarnertut isingaarpud, inuk meeqqallu siunissami pinggorumaartussat nukittuunik peqqissunillu angajoqqaqarniassammata.

Inatsisissatut siunnersuummi nalunginiakkatta ilangivaat nuannaarutingilluinnangarpud tassaasoq kisitisinik naluaarsuutunik ataavannerusumik katersineq, ukiorpassuarni taanna amingaataasimavoq, kiisami tungavissaqalissangatta ilumut katsorsaariaatsit eqqortut atornerlugit. Aammalu politikikkut aaliagiiniarnerni sattalluni aaliangiisarnerit taamaalilluni ikilisinneqassappud. Tamannalu assut



Demokraatiniik naqissuserusupparput tapersorsorluinnarlugulu ufforaluguli sooq qangali tamanna atuutilersimanginnera.

Taamatut oqaaseqarluta demokraatiniik peqqissutsimut aqaatsimiitsitaliamut suliareqqinneqarnissaanik innersuussivugut.